

# Sakspapir

| Saksnr | Utvalg        | Type | Dato       |
|--------|---------------|------|------------|
| 002/20 | Kommunestyret | PS   | 13.02.2020 |

| Saksbehandler | Arkiv  | ArkivsakID |
|---------------|--------|------------|
| Ketil Tjore   | FE-033 | 20/59      |

## Godkjenning av møteprotokoll

### Vedlegg

Protokoll - Kommunestyret - 12.12.2019

### Framlegg til vedtak:

Møteprotokoll frå forrige møte vert godkjent

### Kommunestyret - 002/20 - 13.02.2020

#### KS - behandling:

Atle Utkilen (Bygdelista) hadde ein merknad om vedtaket i sak 079/19 (sjå også skriv som ligg ved møteprotokollen).

Dette er frå protokollen for møtet 12.12.19, diskusjon og vedtak:

#### **Kommunestyret - 079/19 - 12.12.2019**

##### **KS - behandling:**

*Avdelingsleiar plan, byggesak, oppmåling og miljø Asbjørn Toft orienterte om saka.*

*- Det er viktig at det kjem innspel på kva planar som skal lagast. Gode planar viktig, til dømes med tanke på å søka midlar, der idrettsplanen kan sikra tippemidlar til idrett, klimaplanen midlar til enøk-tiltak. Nokre planar er kommunen pålagt å laga, andre er viktige for at ein skal få tilskot. Reidar Øksnes (Sp) etterlyste planar i lista:*

*- Eg saknar ein strategiplan for korleis Austrheim kommune skal jobba vidare aleine, etter at me har sagt nei til å gå saman med andre kommunar. Vidare saknar eg ein plan som seier noko om korleis dette med Nordhordland biosfæreområde påverkar oss i det vidare arbeidet. Og så må ein sjå på at Austrheim ligg midt i eit nytt storfylke, det bør synleggjerast korleis dette påverkar oss.*

*Reidar Ulvøy (Ap) ba om at det vart laga ein ny klima- og miljøplan.*

*- Målet må vera at Austrheim kommune berre skal nytta fornybar energi til oppvarming av bygg innan utgangen av 2025. Alle personbilar og små varebilar som kommunen kjøper i perioden etter 2021, skal vera nullutsleppskøyrety. Nye ladepunkt må etablerast. Klima og miljøplanen skal også innehalda tiltak som sikrar at alle avdelingar i kommunen skal vera sertifiserte «Miljøfyrtårn» innan*

2023.

*Atle Utkilen (Bygdelista) hadde framlegg til endring av samansettinga av styringsgruppa for arbeidet med planstrategien, slik at alle parti i kommunestyret vert representert i styringsgruppa:*

*«Formannskapet vedtek at Austrheim kommune sitt arbeid med planstrategi vert starta opp.*

*Formannskapet og 1 representant frå parti som ikkje er del av formannskapet vert styringsgruppe for arbeidet.»*

*Avdelingsleiar Toft kommenterte innspela, og sa at politikarane er suverene i å føreslå kva planar administrasjonen skal laga. Toft sa vidare at det er viktig med god forankring, og at det er OK å ta inn dei partia som ikkje er representerte i formannskapet.*

*Helge Dyrkolbotn sa at KrF støttar Utkilen sitt framlegg til vedtak om å utvida styringsgruppa, Inger Lise Brekke (H) ba om gruppemøte. Møtet heva 15.27, møtet sett igjen 15.33*

*Inger Lise Brekke (H) fremja framlegg om at saka vart utsett til det neste møtet i kommunestyret. Per Lerøy (Ap) presiserte at det ein ville ha utsett var val av styringsgruppe for planstrategien.*

*Helge Dyrkolbotn (KrF) sa at han ikkje var samd i å utsetja denne delen av saka.*

*Avdelingsleiar Toft sa at planstrategien skal på høyring, og at val av styringsgruppe ikkje stoppar administrasjonen sitt arbeid med å senda planen ut på høyring.*

*Per Lerøy (Ap) sa at ein kan vedta å starta arbeidet, men utsetta samansettinga av gruppa. Sa at rådmannen må førebu sak om dette til formannskapet og kommunestyret i 2020, og at det må komma som sak i februar 2020. Rådmann Liv Løvvik sa at så lenge noko anna ikkje er vedteke, så er det formannskapet som er styringsgruppe, slik som sist. Handsaming i kommunestyret:*

*Atle Utkilen sitt framlegg om at alle parti i kommunestyret bør vera med i styringsgruppa, vart utsett med 10 mot 7 røyster (Høgre og Ap for utsetting, Bygdelista, KrF og Sp mot).*

*Rådmannen sitt framlegg vart samrøystes vedteke.*

**KS - vedtak:**

*Formannskapet vedtek at Austrheim kommune sitt arbeid med planstrategi vert starta opp.*

**Debatt 13. februar 2020:**

*Atle Utkilen (Bygdelista) argumenterte for at denne saka om planstrategien skulle vore utsett til ein tok stilling til kva samansetting det skal vera i utvalet.*

*Ordførar Per Lerøy (Ap) sa at ein var tydeleg i KS 12.12.19 om at det at ein ikkje var samde i samansettinga av utvalet, ikkje skulle påverka om arbeidet med planstrategien skulle startast opp.*

*Utkilen sa seg samd i at det ikkje er usemje om starta arbeidet med planstrategien, men at det gjeld samansettinga av utvalet.*

*Ordførar Lerøy ba om at merknaden frå Utkilen vart notert i protokollen.*

*Generelt om utsettingsvedtak så sa rådmann Liv Løvvik at det bør presiserast i dei enkelte vedtaka kven som har ansvar for å følgja opp slike utsette saker vidare.*

**Handsaming i kommunestyret:**

*Rådmannen sitt framlegg vert samrøystes vedteke.*

**KS - vedtak:**

*Møteprotokoll frå forrige møte er godkjent.*

**Saksopplysninger:**